



**SICONDA SESSIONE URDINARIA DI U 2017**  
**RIUNIONE I 21 E 22 SITTEMBRE**

**N° 2017/O2/055**

**DUMANDA URALE POSTA DA U GRUPPU « CORSICA LIBERA »**

**OGETTU: PIANU DI LOTTA CONTR'À U FLAGELLU DI A DROGA**

In l'anni 1980 u flagellu di a droga ùn ci era quasi micca ind'è noi, ma oghje hè presente assai è a nostra giuventù ne pate in manera dura.

S'è a lotta contru à i stupefacenti tocca ià i puderi regali di u Statu, a nostra Cullettività chì hà in carica i a difesa di l'interessi materiali è murali di u populu corsu è a so giuventù u so duvere hè di agisce in modu novu è decisu da parà issu flagellu chì tira a nostra sucetà in prublematiche murale, strutturale, suciale, economiche è sucetale.

Di fatti pensemu ch'ellu tocca à a nostra respunsabilità cullettiva, da eletti di a Corsica, di porghje à a nostra giuventù altre pruspettive, in particolare assucendu ci la per mezu di a so rapresentazione à l'Assemblea di a Giuventù.

Hè un bellu pezzu chì u movimentu naziunale corsu hà dinunziatu a prugressione d'issi traffichi è a crescita di a cunsumazione onsommation di e droghe in a nostra sucetà.

D'aprile scorsu, Corsica Libera hà turnatu à urganizà una cuncolta in Aiacciu dicendu di nò à a droga, è à tempu chjamendu à una presa di cuscenza generale da luttà contru à issu flagellu.

L'Islanda, paese di 330 000 abitanti, hda una vintina d'anni hà messu in opera una pulitica atta à riduce e dipendenze di ogni generu, cun risultati stupendi è ricunnisciuti (cun prublemi calati di metà in 8 anni).

Certe misure, cumu u cuprifocu ubligatu per l'adulscenti ùn si puderanu traspone ind'è noi, ma altre decisione ci pare ch'elle possinu apre chjassi di travagliu

interessanti vistu a nostra demugrafia vicinissima da quella di l'Islanda è, in Corsica , l'impurtanza sempre risparmiata di a famiglia.

I cuncepitori di u prugrama islandese di prima anu realizatu una radiugrafia di e generazione giovane per mezu d'inchieste ricundotte longu à l'anni, permettendu di sequità cun precisione l'evuluzione di e pratiche inde i giovani è di custatà chì a calata forte di u cunsumu di sustanze di dipendenza andava dinù cù una crescita tamanta di e pratiche spurtive, artistiche è culturale, ma puru di u tempu passatu cù i parenti durante a simana, è in cunsequenza un rinforzu di a leia famigliale è suciale.

L'Islanda hà dinù messu in opera un dispusitivu finanziare di 300€ à pocu pressu à zitellu, da incità e famiglie à scrive li in i clubs spurtivi, artistichi o culturali.

Mette à u provu certe d'isse misure, adattendu le à a Corsica è à i varii dispusitivi chì esistenu digià, ci pare ch'elle sianu piste di ghjudiziu da travaglià ci.

Sapemu chì issa quistione di a lotta contru à a droga hè integrata in a pulitica di prevenzione è di prumuzione di a salute ch'ella sviluppa a nostra Cullettività, in particolare per indettu cù a partecipazione lucale di i servizii à i travagli di a MIDELCA (Missione Interministeriale di lotta contr'à e droghe è ei cumpurtamenti di dipendenza), ch'ella hè stata lanciata una chjama à prugettu da rinfurzà l'azione di prevenzione o dinù chì parecchi assocci travaglianu tutti i ghjorni cù issu tipu d'azione, cume u CRIJ, l'ANPAA, IUGRM, a FALEP o u Cullettivu A Droga Fora.

O Sgiò Presidente di u Cunsigliu Esecutivu, chì ne pensate voi di dispusizione simule?

È per altru, davanti à a nostra Assemblea pudete insignà à chì puntu ne sò i travagli inquantu à issa problematica ?